

Član 4. (Kriteriji)

(1) Kriteriji za raspodjelu sredstava su:

Član 1. (Predmet)

Ovom Odlukom utvrđuju se korisnici sredstava, kriteriji za finansiranje / sufinansiranje programa i rada kantonalnih udruženja osoba s invaliditetom iz Budžeta Unsko-sanskog kantona (u daljnjem tekstu: Budžet), javni poziv, način podnošenja zahtjeva za dodjelu sredstava, način doznačavanja sredstava, način izvještavanja o namjenskom utrošku sredstava i nadzor nad utroškom sredstava.

Član 2.

(Korisnici sredstava)

Korisnici sredstava po ovoj Odluci su kantonalna udruženja osoba s invaliditetom koja apliciraju za sredstva iz Budžeta u svrhu finansiranja/sufinansiranja programa i rada udruženja osoba s invaliditetom, a koji su od interesa za građane Unsko-sanskog kantona (u daljnjem tekstu: Kanton) ili doprinose razvoju i afirmaciji Unsko-sanskog kantona i provode se na području Kantona.

Član 3.
(Nosilac budžetskih sredstava)

Nosilac budžetskih sredstava u Budžetu koji planira finansiranje / sufinansiranje udruženja je Ministarstvo zdravlja, rada i socijalna politike (u daljnjem tekstu: Ministarstvo).

- a) registracija kantonalnog udruženja osoba s invaliditetom kod kantonalnog ministarstva pravosuđa i uprave – 1 bod;
- b) prijedlog programa i rada udruženja osoba s invaliditetom koji su od interesa za građane Kantona ili doprinose razvoju i afirmaciji Kantona i provode se na području Kantona, uz navođenje omjera troškova za realizaciju programa i rada udruženja – 5 bodova;
- c) program rada za tekuću godinu sa obrazloženjem – 2 boda;
- d) finansijski plan za tekuću godinu – 1 bod;
- e) ekonomska ili društvena opravdanost programa i rada udruženja – 1 bod;
- f) izvještaj o pozitivnom finansijskom poslovanju (bilans stanja, bilans uspjeha i narativni izvještaj za prethodnu godinu) – 1 bod;
- g) organiziranost i broj članova udruženja – 2 boda;
- h) specifičnost potreba članova udruženja, odnosno populacije koju zastupaju – 2 boda.

Član 5. (Dokumentacija)

- (1) Dokumentacija koja se treba dostaviti prilikom prijavljivanja za finansiranja / sufinansiranja programa i rada udruženja:
 - a) Popunjen obrazac prijave za finansiranje/sufinansiranje programa i rad udruženja, koji sadrži: naziv

programa i rada udruženja, obrazloženje ekonomske ili društvene opravdanosti programa i rada udruženja (opis problema/potreba, ciljeve i ciljne grupe), pregled kapaciteta za provođenje programa i rada udruženja (oprema, prostor i osoblje), ukupan iznos sredstava potrebnih za finansiranje projekata, programa i aktivnosti, očekivani iznos sredstava iz Budžeta te procenat od očekivanog iznosa sredstava koji bi bio utrošen na rad udruženja;

- b) rješenje o registraciji udruženja izdato od strane kantonalnog ministarstva pravosuđa i uprave;
- c) zapisnik sa posljednje održane skupštine udruženja;
- d) uvjerenje o poreskoj registraciji - identifikacioni broj;
- e) uvjerenje o izmirenim poreskim obavezama;
- f) uvjerenje o izmirenim porezima i doprinosima za zaposlenike (ukoliko ima zaposlenika);
- g) bilans stanja i bilans uspjeha ovjereni od strane Finansijsko-informatičke agencije za prethodnu godinu;
- h) finansijski izvještaj o utrošku sredstava za finansiranje / sufinansiranje programa i rada udruženja u prethodnoj godini (osim ukoliko nisu finansirani u protekloj godini iz Budžeta ili su registrovani u prošloj godini);
- i) naziv banke i podaci o transakcijskom računu.

- (2) Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.
- (3) Udruženja koja su registrovana u prethodnoj godini i nisu dobili sredstva za finansiranje/sufinansiranje programa i rada udruženja, nisu dužna da dostave izvještaj o urednom finansijskom poslovanju (bilans stanja i bilans uspjeha).

Član 6.

(Odluka o raspisivanju javnog poziva)

Za dodjelu sredstava iz budžeta, za finansiranje / sufinansiranje projekata, programa i aktivnosti udruženja, ministar

Ministarstva (u daljnjem tekstu: ministar) donosi odluku o raspisivanju javnog poziva, u kojoj će biti naveden ukupan iznos sredstava koji će biti dodijeljen po javnom pozivu.

Član 7.

(Javni poziv)

- (1) Ministarstvo nakon usvajanja budžeta za tekuću godinu raspisuje javni poziv za raspodjelu sredstava za finansiranje / sufinansiranje projekata, programa i aktivnosti udruženja.
- (2) Javni poziv se objavljuje na internet stranici Vlade Unsko-sanskog kantona i oglasnoj tabli Ministarstva zdravstva, rada i socijalne politike.

Član 8.

(Formiranje i zadaci Komisije za obradu prijava na javni poziv)

- (1) Ministar će imenovati Komisiju za obradu prijava na javni poziv (u daljnjem tekstu: Komisija), koju će činiti 3 člana.
- (2) Komisija će u roku određenom rješenjem, obaviti sljedeće poslove:
 - a) donijeti poslovnik o radu,
 - b) izvršiti provjeru ispunjenosti kriterija,
 - c) izvršiti procjenu programa i rada udruženja,
 - d) sačiniti bodovnu listu udruženja koje ispunjavaju kriterije, sa prijedlogom pojedinačnih iznosa novčanih sredstava za dodjelu, sa obrazloženjem,
 - e) sačiniti Odluku o listi udruženja koje ne ispunjavaju kriterije odnosno onih udruženja čiji programi i rad nisu od interesa za građane Unsko-sanskog kantona ili ne doprinose razvoju i afirmaciji Unsko-sanskog kantona, sa obrazloženjem,
 - f) liste i Odluku iz tačke d) i e) dostaviti ministru.

Član 9.

(Zahtjev za dodjelu sredstava)

- (1) Korisnici sredstava dostavljaju Ministarstvu zahtjev za dodjelu sredstava sa dokazima o ispunjenosti propisanih kriterija utvrđenih ovom Odlukom.

- (2) Zahtjevi za finansiranje/sufinansiranje programa i rada kantonalnih udruženja osoba s invaliditetom iz Budžeta podnose se na Obrascu I.

Član 10.

(Rok i način podnošenja zahtjeva za dodjelu sredstava)

- (1) Rok za podnošenje zahtjeva za dodjelu sredstava je osam dana od dana objave javnog poziva.
- (2) Zahtjevi za dodjelu sredstava se podnose u zatvorenoj koverti Ministarstvu putem Pisarnice Vlade Unsko-sanskog kantona ili poštom na adresu Ministarstva zdravstva, rada i socijalne politike USK, ul. Alije Đerzeleza 2, 77000 Bihać, sa naznakom „Prijava na Javni poziv za finansiranje/sufinansiranje programa i rada kantonalnih udruženja osoba s invaliditetom iz Budžeta Unsko-sanskog kantona za 2026 godinu - ne otvaraj“.

Član 11.

(Neblagovremeni i nepotpuni zahtjevi)

- (1) Neblagovremene zahtjeve komisija neće uzeti u razmatranje i vratit će ih podnosiocu neotvorene.
- (2) Nepotpune zahtjeve komisija će odbaciti i o tome obavijestiti podnosioca.

Član 12.

(Prijedlog liste)

U prijedlogu liste iz člana 8. tačka d), komisija će utvrditi pojedinačne iznose odobrene te njihovu obavezu da sredstva moraju iskoristiti za realizaciju programa odnosno rada udruženja.

Član 13.

(Prigovor)

Udruženja imaju pravo podnošenja prigovora ministru na odluku komisije o odbijanju zahtjeva u roku od tri dana od dana prijema odluke.

Član 14.

(Konačan prijedlog liste)

Konačan prijedlog liste korisnika sredstava po Javnom pozivu za finansiranje/

sufinansiranje programa i rada kantonalnih udruženja osoba s invaliditetom iz Budžeta Unsko-sanskog kantona za 2026. godinu utvrđuje ministar i predlaže Vladi Unsko-sanskog kantona način raspodjele sredstava.

Član 15.

(Potpisivanje ugovora i doznačavanje sredstava)

- (1) Korisnici sredstava utvrđeni na konačnoj rang-listi će sa Ministarstvom potpisati ugovor o međusobnim pravima i obavezama, čiji osnovni elementi su: podaci o ugovornim stranama, predmet i vrijednost ugovora, rok za realizaciju i nadzor nad realizacijom odobrenih sredstava, povrat doznačenih sredstava.
- (2) Doznačavanje odobrenih sredstava udruženjima vršit će se u skladu sa operativnim planovima i raspoloživim sredstvima u Budžetu.

Član 16.

(Izvještaj o namjenskom utrošku sredstava)

- (1) Korisnici sredstava iz ove Odluke dužni su na propisanom obrascu (Obrazac II) dostaviti Ministarstvu izvještaj o namjenskom utrošku sredstava doznačenih iz Budžeta, a najkasnije do 31. 12. tekuće budžetske godine.
- (2) Uz Obrazac II izvještaja prilažu se dokazi na temelju kojih se može utvrditi na koju se aktivnost odnose te kada su sredstva utrošena, i to:
- račun sa fiskalnim računom,
 - izvod sa bankovnog računa kao dokaz o plaćanju za definisane namjene sredstava,
 - dokaz o izvršenoj uplati-uplatnica.
- (3) Dokumenti koji se dostavljaju u svrhu pravdanja namjenskog utroška sredstava mogu se dostavljati u fotokopiji, ali Ministarstvo može, u slučaju sumnje u vjerodostojnost bilo kojeg dokumenta, tražiti uvid u originalni primjerak dokumenta.
- (4) Neprihvatljivim troškovima smatrat će se oni koji se ne mogu dovesti u direktnu vezu sa namjenom projektnih aktivnosti i programskim opredjeljenjem udruženja, kao i oni koji svojom visinom utrošenog iznosa izlaze iz okvira socijalnog karaktera

namijenjene podrške.

- (5) Ministarstvo će Izvještaj o utrošenim sredstvima dostaviti Vladi Unsko-sanskog kantona na razmatranje i usvajanje.

Član 17.
(Omjer utrošenih sredstava)

- (1) Korisnici sredstava dužni su odobrena sredstva iskoristiti u određenom omjeru i to:
- a) minimalno 70% odobrenih sredstava za programe udruženja;
 - b) maksimalno do 30% odobrenih sredstava za rad udruženja.
- (2) Pod programom udruženja podrazumijevaju se sve one aktivnosti koje su direktno usmjerene na poboljšanje položaja osoba s invaliditetom.
- (3) Pod radom udruženja podrazumijevaju se svi oni troškovi koji nisu dio programa udruženja, a u koje spadaju:
- a) režijski troškovi (električna energija, grijanje, voda, telefon, internet i zakupnina prostora);
 - b) materijalni troškovi (kancelarijski materijal, izrada brošura i letaka, nabavka kompjutera, printera i tonera);
 - c) troškovi uposlenika udruženja (plata i doprinosi), odnosno druge naknade angažovanim licima.

Član 18.
(Nadzor nad utroškom sredstava)

- (1) Redovan nadzor nad utroškom sredstava vrši Ministarstvo i budžetska inspekcija Kantona po zahtjevu nosioca budžetskih sredstava, Vlade Kantona ili u okviru svojih redovnih inspeksijskih nadzora nad utroškom budžetskih sredstava.
- (2) Ministarstvo zadržava pravo da korisnicima sredstava za koje se utvrdi da nisu ispunili obaveze utvrđene ugovorom iz člana 15., obustavi dalje finansiranje/sufinansiranje odobrenih programa i rada udruženja, te traži da korisnik sredstava izvrši povrat utrošenih sredstava, kao i da ne prihvati finansiranje/sufinansiranje programa i rada tog udruženja za narednu godinu.

Član 19.
(Obrasci)

Sastavni dio ove Odluke čine prijavni obrazac za finansiranje programa i rada udruženja osoba s invaliditetom iz Budžeta (Obrazac I) i izvještaj o utrošenim sredstvima za finansiranje programa i rada udruženja osoba s invaliditetom iz Budžeta (Obrazac II).

Član 20.
(Stupanje na snagu)

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-44-884/2026
6. augusta 2026. godine
Bihać

PREMIJER KANTONA
mr. sci. Mustafa Ružnić

(Obrazac I)

Naziv podnosioca zahtjeva

(sjedište)

(ulica i broj)

(općina)

(E-mail)

Kontakt osoba: tel. mob.

Ovlaštena osoba: tel. mob.

Organiziranost i broj članova udruženja

Specifičnost potreba članova udruženja

**Prijavni obrazac za finansiranje programa i rada udruženja osoba s invaliditetom
iz Budžeta Unsko-sanskog kantona za 2026 godinu**

Prijedlog programa udruženja osoba s invaliditetom (naziv programa):

Navesti opis problema/potreba, ciljeve, ciljne grupe i osoblje programa (detaljnije navesti ekonomsku ili društvenu opravdanost programa)

Da li se program finansira iz drugih izvora, te ukoliko se finansira navesti iz kojih izvora i u kojem iznosu.

Navesti ukupni iznos vrijednosti programa udruženja osoba s invaliditetom: KM

Očekivani iznos sredstava iz Budžeta Unsko-sanskog kantona KM

Navesti procenat od očekivanog iznosa sredstava koji će biti utrošen na rad udruženja¹

Uz ovaj obrazac (popunjen, potpisan i ovjeren) prilažem slijedeće dokumente:

1. rješenje o registraciji;
2. zapisnik sa posljednje održane skupštine udruženja;
3. uvjerenje o poreskoj registraciji - identifikacioni broj;
4. uvjerenje o izmirenim poreskim obavezama;
5. uvjerenje o izmirenim porezima i doprinosima za zaposlenike (ukoliko ima zaposlenika);
6. bilans stanja i bilans uspjeha ovjereni od strane Finansijsko-informatičke agencije za prethodnu godinu.
7. finansijski izvještaj o utrošku sredstava za finansiranje/sufinansiranje programa i rada udruženja u prethodnoj godini (osim ukoliko nisu finansirani u protekloj godini iz Budžeta USK ili su registrovani u prošloj godini);
8. naziv banke i podaci o transakcijskom računu.

Datum.....

M.P.

Ovlaštena osoba podnosioca zahtjeva

¹ Sredstva se koriste u omjeru od minimalno 70 % za programe udruženja, odnosno maksimalno do 30% sredstava za rad udruženja.

(Obrazac II)

.....
Naziv podnosioca zahtjeva
.....
(sjedište) (ulica i broj) (općina) (E-mail)
Kontakt osoba: tel. mob.
Ovlaštena osoba: tel. mob.

Izvještaj
o utrošenim sredstvima za finansiranje programa i rada udruženja osoba s invaliditetom
iz Budžeta Unsko-sanskog kantona za 2026 godinu

1. Dodjeljena sredstva su u iznosu od :

KM

2. Dodjeljena finansijska sredstva bila su operativna dana :

3. Opis programa i rada udruženja

Opis programa udruženja	Iznos sredstava (KM)	Drugi izvori
Ukupno:		

4. Kratak opis realizacije programa / šire obrazloženje može se dostaviti i kao prilog uz ovaj izvještaj / :

5. Dokaziⁱ koji se dostavljaju uz izvještaj

- račun sa fiskalnim računom,
- izvod sa bankovnog računa kao dokaz o plaćanju za definisane namjene sredstava,
- dokaz o izvršenoj uplati-uplatnica.

Naziv dobavljača	Račun br.	Datum	Iznos sredstava (KM)
Ukupno:			

Izvještaj sačinio :

MP

Korisnik sredstava
(odgovorna osoba)

Potpis

ⁱ Dokazi koji se prilažu uz obrazac izvještaja mogu se dostavljati u fotokopiji, ali Ministarstvo može tražiti uvid u originalni primjerak.